

www.BibleForChildren.org

Mat 26




Mara
miikovimasago
imakamakai da
Pasova kamna iti
karei ma Yesu inae ku
Betani, Lasaras kurina.
Tuna wawayina
irabobo ma Yesu ivi
yawai. Ma Meri na
diudeu iviia, kamonai na oira
ghabughabuna miiyanina irakata
kirakai. Ikavarapiyei da Yesu ku
kaena itepoi ma uyawinai kaena ikiikiipupuni.
Ma oira ghabuna na numa kamona inunui.



Ma nani murinai Judas Iskariyot ivomiiri inae. Tuna
na Yesu ina wawaya ivi 12 kamosiyai ma inae taparoro
babadisi i babada kurisi da Yesu
iti wawane. Damsi ivi yanei da
nuwanuwasi ibiibii kirakai ma
vonakiiyapa bagibagina
kurina iterei da imana ina
kovoghi. Ma Judas
ivi karei da keta
iekwekwai da Yesu
ku imasi
ita terei.



Vaghina ma, kana kivikivina inae
ma ikikava ivonavonesi na iberai,
Pasova kamna kubiine ivokuyakuya.
Ikamkam kamonai na Yesu parawa
sago iviiya ma God kurina ivi kiikiiwa
ma ivogimai da kana kivikivina
irereghisi. Ma ivonesi bo, "Koviiya
ma kokani. Weni tuna tupuwiku."
Ma bade redu iviiya
ma ivi kiikiiwa.



Ma kana kivikivina iveresi ma
ivonesi bo, "Peyarimi weni redunai
kouma. Weni tuna taraku.

Imatakira da God ma ina wawaya
yavata vivaghina vuna makamakii
nonowina eberabera. Taraku ina
sororo da wawaya peyarisi i
berabero God ina notatawei."



Yesu ivona bo, "Saimon, Saimon, Seitan ivi nowi God
kurina ma vivaghina gwabinai iviia da ina ruyaghimi.
Ma anipowana kubiim da vitumaghana ke kuna voterei.
Karakava kuna miiritavire kuriku na turaturam kuni
vitesi da ti bade i vitumaghana ini rewapana."



Ma Saimon Pita ivona bo, "Bada, taku kovokovoghiku da tam yavata ku gabura tarui bo yavata tarabobo."
Ma Yesu ivonapotei bo, "Pita, avonavonem da karako mara aroba kuni bero da ke kutakoviku ma murinai kokoreko ina tou."



Yesu kana kivikivina yavata
inae ku gawara sago kana
vava Getsemani, ma
ivonesi bo, "Weni
dobunai komakai ma
ana nae noke da ana
nipowana." Ma ivonatou bo,
"Abba, Mamai, kade weni
vokwarakwarana reduna
gwabikuwai kuta viitawei.
Bera peyarina kurim na
itekateka kirakai. Ma kegha
da ke taku aku kayowana, ma
tam am kayowana keberai."



Vaghina ma Judas ivi wawana Yesu kurina ma koroto
ghamana ivi nowesi da ku oliv nawabina inekiibau.
Taparoro babadisi i babada ma Perisi damsi na
Rome damsi i seri wawayisi ma Taparoro
Numana kana potapota ivonatawesi da
Judas yavata inae, i seri ikavara
ma ere kibekibesi ku nawabina
irui. Ma kana kivikivina sago
taparoro badana ghamana
ina bigabiga iravi da tinina
katagheyana ikiiyaraghatawei.
Ma Yesu ivonesi bo,
"Kovoterei!" Ma ivororona
da tomowina tinina
ivotovonida iyawasa.



Seri damsi Yesu ivotani ma irutini inae da taparoro
badana ghamana ina ku numa. Ma Pita murisiyai
ikivinisi inae. Ma taparoro
badana ina numa garina
kamonai na wawaya
keyama ikiiri da ivivi
rarana. Ma Pita inae
da kamosiyai imakai.




Muriyai tomowa sago
Pita kurina ivi sisiya.
Tomowina na taparoro
badana ghamana ina
bigabiga ma varesina
tinina na Pita ikiiyaraghi.
Ma tomowina Pita kurina
ivona bo, "Agunai da akitim,
tam na Yesu yavata oliv
nawabina kamonai." Ma Pita ina
vibero ivi arobi, ivona bo, "Kegha."
Ivi sisiya ikovi na yaghiyaghina
kokoreko itou. Ma vaghina, Pita
numa garina ikiibutawei ku
kupuna ma itou kirakai.




Ma babadisi kudubisi ivomiiri da
Yesu irutinaneyei Pailat kurina.
Pailat Yesu ivi tarakiiyanei bo, "Tam
Jiu damsi i kiivavo, bo?" Yesu ivona
bo, "Vonavaghata, vaghina
kevonavona." Pailat
babadisi ma wawayisi
ivonatovonisi da Yesu ita
votawei. Ma kegha da
koroto ere kiikiirarisi

ivonavona bo,
"Kotuparatui! Kotuparatui!"



Vaghina ma Pailat ivonakiiyaragha da
seri wawayisi Yesu ita tuparatui. Seri
damsi Yesu irutini ikiibau da ita
tuparatui. Ma Yesu kana korosi
ikavari ma kwanatu ikiibutawei, ma
ibaba inae da ku gawara sago kana
vava 'Teuteu Koyana.' Hibiru gamosiyai
evonavona bo 'Gorugata.'




Ma nani gawarinai Yesu ituparatui
ku korosi. Ma tomotomowa ivi
ruwa yavata ituparatusi. Sago
Yesu katagheyani
ma sago dugenai.



Maranai madegha rarana ivoterei Taparoro Numana
kana tupayaragha garana basunai itamogosira da
ruwa. Ma Yesu gamona irakata ma ikwatu, "Mamai,
kanumiku ku imam atereterei."

Ina sisiya turina iterei,
nuwayaporina ighae
ma irabobo.



Vovunagha marana kamoni na Yesu
irabobo. Ravi ita pika na viyakam
marana iti karei. Gisina kava
ravi ita pika, tuna kubiine
tomowa sago kana vava
Josepa Arimateya ivi
yaghiyaghina ma
ere tepatorana
inae Pailat kurina.

Tuna na wawaya
ghamana Sanhidran
kamoni ma
nimonimoriyai ivivi
koyakoyagha da God
ina vikiivavona ita
pisi. Inae ma ivi nowi
da Yesu tupuwina
ita viiya.



Ma Josepa inae da gara vuna
igimari ma Yesu tupuwina
korosiyai itereoruwei da
igerei, ma buba ku kamona
iterei. Bubana na koya
baranai itarai da
karawaga iyamoni.

Muriyai
wakima ghamana
itabiri inae da
bubana
igudupotai.



Mara itom na viyakam marana. Ma
taparoro babadisi i babada ma
Perisi damsi inae Pailat
kurina. Ivonei bo, "Bada,
Yesu na viviberona ma
kanotantai da ivona
bo, 'Ana rabobo ma
mara viarobina
kamonairabobowai

ana
vomiiri."




"Vaghina ma inae ma karawagai
dobodobo iviia ma buba
matuketina ipasipotai,
ivi matakira da wawaya
ke ita votawei.
Ma seri damsi
iteresi da buba
ipotapotai."



Viyakam marana ikovi ma mara
tomtomwai Meri Magadarini ma
Meri sago inae Yesu kana ku
karawaga da ita kitai. Ma
God ina aneya sago
kunumai ioru ma
nukenuke ghamana
itupuwa. Inae Yesu
kana ku buba ma

wakima ghamana
buba kawana
igudui na wakimina
itabiratawei ma
tepanai imakai.




Seri wawayisi iyabumana
kirakai da ikirokiroro ma
iririgha ku tano da ivi
kiiparoparorowesi
da nama wawaya
raborabobosi.



Ma aneyina wivinesi ivonesi bo,
"Ke kona yabumana. Akovi da
Yesu ituparatui na tuna
koekwekwai. Tuna ke weni.
Namada rabobowai
ivomiiri. Ikikava
ivonavonemi na
nakanani itupuwa.
Kopisi da



Wivinesi yaghiyaghinai karawaga ikuyowei,
ti na ere yabuyabumanisi ma kegha da ivi
nuwabiibii kirakai. Veru ivi karei da
kana kivikivina ita vonesi, ma keta
borinai na Yesu itawanakiibuwei
da ivonesi bo, "Kiiwa, kiiwa!" Ma
wivinesi inae kurina, itawotesi
ku maghinona da kaena



ivotani ma ivokavakavari.





Muriyai bade kana kivikivina ivi 11 ikamkam ma Yesu kurisi inekiibau. Ma iyeghisi iyamna i vitumaghana igisi ma bade iyavo kava ivivi mamataresi da rabobowai ivomiiri na ke iti tumaghanesi, nuwanuwasi na guduguduna. Bada Yesu kana kivikivina kurisi ivi sisiya ikovi na God iviitawei ighae ku kunuma da katagheyana imakiipika.



God wawaya dobuwai nuwanuwasi ivii
kirakiiyei da Natuna sago kava ma
iverena da iyavo kava ini tumaghane
na ke ina rabobo ma yawasa
makamakii nonowina ina viiya.



Rome 3:23 God na wawaya maninina ma kana kadara irakata kirakai da tota ke kovokovoghina da ita yawasa kati maninini da tuna nakanani, iyamna kudubita na berabero wawayita.

Rome 6:23 Berabero kana miiya na rabobo. Ma ita Bada Yesu Keriso tepanai na God nevana kava ipuyota, tuna puyona na yawasa makamakii nonowina.

Hibru 9:27 God iterei da wawaya sago sago duma mara sago kava ina rabobo ma nani murinai maghinonai ina miiri da ini tupavirei.

Epesas 2:8,9 God ina agabiibai irakata da ami vitumaghana kubiine ivi yawasimi. Weni tuna ke tami ami rewapanai, God nevana kava ipuyomi. Ke tami mani kota berai, tuna kubiine ke kovokovoghina da wawaya ini gheghena meyei.



Rome 10:9,10 Iyi tam kawamatarai kuna vona bo,
"Yesu tuna Bada," ma nuwanuwam kudubinai kuni
tumaghana da Yesu irabobo ma God iberai da rabobowai
ivomiiri na God yawasa makamakii nonowina ina verem.
Nuwanuwam kudubinai kuni tumaghana ma kawamuwai
kuni mamatara na God ina vonakiiyaragha da tam
na ina wawaya maninim ma ini yawasim.

Jon 3:16,17 God wawaya dobuwai nuwanuwasi ivii
kirakiiyei da Natuna sago kava ma iverena da iyavo kava
ini tumaghane na ke ina rabobo ma yawasa makamakii
nonowina ina viiya. Ma God Natuna ivonatawei na ke
dobuwai kovogha ita rereghi kubiine ma
dobu iti yawai kubiine.



1 Jon 5:11-13 Ma sisiyina ivi mamatarei kurita na weni.
God yawasa makamakii nonowina ivereta ma nani
yawasina na Natuna gwabinai taviia.

Ma iyavo kava God Natuna gwabisiyai na yawasa
makamakii nonowina namada iviia. Ma iyavo kava God
Natuna ke gwabisiyai na yawasa makamakii
nonowina ke ita viiia.

Weni sisiyisi agirugiruma kurimi da tami iyavo
kava God Natuna koitumaghane na kotakovi da yawasa
makamakii nonowina namada koviiia.



Mat 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Gapapaiwa Bible (pwg) © 2009, Wycliffe Bible
Translators, Inc. All rights reserved.

<https://live.bible.is/bible/PWGWBT/MAT/1>

©2026 Bible for Children, Inc.

www.M1914.org

www.bibleforchildren.org

